



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1847**

CCIII. Friedrich von Stechow gründet den St. Andreas-Altar in der Domkirche, am 3. Febr. 1329.

[urn:nbn:de:hbz:466:1-54048](https://nbn-resolving.org/urn:nbn:de:hbz:466:1-54048)

modo tu, et familiares ipsi causam non dederitis interdicto, nec id contingat tibi et eis specialiter interdicti. Nulli ergo etc. Datum auinione, XI. Kalendas Nouembris, anno Duodecimo.

Nach einer Abschrift aus dem Vaticanischen Gesb. Archive Anni XII. Reg. litt. comm. Epist. 601, p. 213, P. 1.

**CCII. Der Bischof Ludwig giebt dem Domcapitel das Patronatsrecht über die Kirche im Dorfe Groß-Lubars, am 1. Jan. 1329.**

In nomine domini. Amen. Cum labilis hominum memoria et varii rerum eventus, restat, ut ea, que aguntur, scripturarum testimonio solidentur. Eapropter nos Ludovicus, dei gratia episcopus ecclesie Brandenburgensis, coram presentibus lucide recognoscimus et ad noticiam deducimus futurorum, quod ecclesiam parrochiam in majore Lubas, ejus collatio et presentatio ad nos, cum vacaverit, de jure dinoscitur pertinere, reverendis dominis nostris, Hinrico preposito, Gevehardo priori, totique capitulo ejusdem ecclesie Brandenburgensis auctoritate ordinaria presentibus incorporamus et incorporando omne jus, quod in ipsa ecclesia habere dinoscimur, transtulimus et presentibus in dei nomine transferimus jugiter possidendam, ita ut dictam ecclesiam uni ex suis canonicis aut alicui seculari clerico locare poterint, conferre aut ad tempus committere et in usus suos conjunctim vel divisim convertere, quando et quotiens ipsis expedire videbitur, pro suo beneplacito voluntatis, ita tamen, ut jura episcopalia ac archidiaconi de dicta ecclesia per plebanum, qui pro tempore fuerit, solvi valeant, et ut idem hospitalitatem de bonis sibi assignatis commode exercere queat, et ut ecclesia eadem in divinis officiis aliqualiter non fraudetur. Ut autem ea, que sic pie gesta sunt, inconvulsa et inviolabiliter perpetuis temporibus perseverent et a nostris successoribus illesa observentur, presentem literam dicto capitulo nostro sigillo vallatam dedimus in testimonium premisorum. Acta sunt hec Scrapstorp, anno domini M<sup>o</sup>. CCC<sup>o</sup>. XXIX<sup>o</sup>. in die circumcissionis domini nostri.

Nach einer Copie im ältern Copialbuche.

**CCIII. Friedrich von Stechow gründet den St. Andreas-Altar in der Domkirche, am 3. Febr. 1329.**

Nos Hinricus, dei gratia prepositus, Gvehardus prior, totumque capitulum ecclesie Brandenburgensis, universis Christi fidelibus presentis etatis et postere volumus attestatione presentium esse notum, quod Fridericus de Stechow salubriter intendens, volens opera justitie virtutis preclarissime feliciter operari, unum altare in honore beati Andree ob spem salutis promerende in cathedrali ecclesia Brandenburgensis appositione duorum talentorum approbatione totius conventus dotavit, que quidem talenta dictus Fridericus a nobis emit et comparavit, et nos ei vendidimus et dimisimus ex censu stagni nostri in Rediz, cum omni jure perpetuis temporibus, sicut nostra ecclesia tenuit et habuit, altari hujusmodi apponenda, ad quod tres misse pro defunctis et una votivalis singulis ebdomadis observentur. In festo quoque beati Martini officianti dictum altare pretacti redditus

ministrentur, proviso tamen, quod, cum sepelietus Fridericus exsolverit debitum carnis, id pro ejus anime salute in vigiliis, orationibus et missis fieri debet, quod pro animabus aliorum fraternitatem prenominate ecclesie habentium fieri est consuetum. Profitemur insuper, quod prelibatus Fridericus collationem seu jus patronatus ejusdem altaris habeat ad tempora vite sue et ipsum uni de conventualibus conferet, ipsius de prepositi consilio et assensu. Ipso vero ab hujus vite medio sublato, collatio ad dominum prepositum devolvetur. In hujus rei testimonium etc. Datum Brandenburg, anno domini M. CCC. XXIX. in die beati Blasii episcopi et martyris gloriosi.

Nach dem Originale, was aber an einer Seite sehr beschädigt ist. Das Fehlende ist aus dem Copiarium ergänzt.

CCIV. Bischöfliche Visitationstaxe für die Pfarren des Brandenburger Domcapitels,  
am 29. Aug. 1329.

Lodevicus, dei gratia episcopus ecclesie Brandenburgensis, honorabilibus viris preposito et capitulo nostre ecclesie Brandenburgensis salutem in domino. Ponderatis sollerter redditibus et proventibus vestrarum ecclesiarum in nova civitate Brandenburg, Nowen, Middenwolde, Markowe, Cottzyn, Czachow, Crutzewitz parva, Rettzow, Bornewitz, Garfelitz, Verchefer, Lubas utraque, Plottzyn, Langerwische utraque, Smertzeke, ac diligenti super hoc deliberatione prehabita, taxamus et canonice statuimus, quando nos vel nostri successores singulis annis juxta sacrorum instituta dictarum ecclesiarum vicarios, vulgariter plebanos nuncupatos, visitaverimus vel visitaverint, officio visitationis eis, ut premititur, impenso, procuracionem ratione hujusmodi visitationis de ecclesia in nova civitate Brandeburch de duodecim fructis, de ecclesia in Nowen de decem fructis, de ecclesia in Middenwolde de octo fructis, de ecclesia in Markowe de sex fructis, de ecclesia in Cottzyn de decem fructis, de ecclesia in Czachow de quatuor fructis, de ecclesia in Crutzewitz de tribus fructis, de ecclesia in Retezo de sex fructis, de ecclesia in Bornewitz de octo fructis, de ecclesia in Garfelitz de sex fructis, de ecclesia in Verchefer de tribus fructis, de ecclesiis utriusque Lubas de sex fructis, de ecclesiis utriusque Langerwische de tribus fructis, de ecclesia in Plottzin de quatuor fructis, de ecclesia in Smertzik de duobus fructis nobis et successoribus nostris de cetero perpetuis temporibus fore perfolvendam. Ut premissa in posterum permaneant indubitanter, ad perpetue rei memoriam presentem literam nostri sigilli appensione fecimus communiri. Datum et actum Seiefer, presentibus Jordano et Johanne, fratribus, militibus, dictis de Neyndorp, et Thiderico, prothonotario nostro, et aliis quam pluribus fide dignis, anno domini M<sup>o</sup>. CCC<sup>o</sup>. XXIX<sup>o</sup>. die decollationis sancti Johannis baptiste.

Nach dem Originale.

CCV. Der Bischof Ludwig schenkt der Petri-Capelle vier Hufen im Dorfe Knobloch,  
am 29. Aug. 1329.

In nomine domini. Amen. Ludowicus, dei et apostolice sedis gratia Brandenburgensis ecclesie episcopus, universis etc. salutem in domino ac opera justitie, virtutis preclarissime, in